



Sarajevo, 5. 6. 2023. godine

Broj: 06 – 09-3 – 178-4/23

Poziv na skup *II Susreti mladih istraživača iz oblasti prirodnih, tehnički i matematičkih nauka (STEM)*

Poštovane kolegice i kolege,

Zadovoljstvo nam je pozvati vas na skup

***II Susreti mladih istraživača
iz oblasti prirodnih, tehnički i matematičkih nauka (STEM)***

koji organizira Odjeljenje tehničkih nauka Akademije nauka i umjetnosti Bosne i Hercegovine uz suorganizaciju i finasijsku podršku Federalnog ministarstva obrazovanja i nauke.

Polazeći od u svijetu široko prihvaćene uloge studenata doktorskog studija i mladih istraživača u razvoju nauke i tehnologije, želja nam je da uspostavimo institucionalni okvir koji će omogućiti godišnje susrete mladih istraživača u oblasti prirodnih, tehničkih i matematičkih nauka i inženjerstva (STEM). Osnovni cilj skupa je formiranje platforme za razmjenu mišljenja o istraživanjima koje realizuju mladi istraživači, stanju i uslovima obrazovanja studenata na III ciklusu studija, procjena mogućnosti saradnje, uspostavljanje uslova koji će omogućiti postizanja značajnih naučnih rezultata i ubrzanja istraživačkih procesa na visokoškolskim ustanovama i istraživačkim institucijama u Bosni i Hercegovini. Poseban aspekt ovog skupa je uspostavljanje kontakata sa mladim istraživačima porijeklom iz BiH koji djeluju u ovim oblastima na univerzitetima i istraživačkim institucijama u svijetu.

Učesnici skupa: studenti doktorskih studija u STEM oblastima koji su položili sve ispite i imaju prihvaćenu istraživačku temu, mladi istraživači koji su doktorirali u posljednjih 5 godina, članovi Akademije nauka i umjetnosti Bosne i Hercegovine, nastavno osoblje i uspješni istraživači sa domaćih univerziteta, istraživači porijeklom iz Bosne i Hercegovine koji djeluju u inostranstvu i predstavnici bh. privrede.

Format skupa: studenti 3. ciklusa studija i istraživači će usmeno predstaviti svoje istraživanje u trajanju od 5 minuta u formi PP prezentacije na maksimalno 5 slajdova (bez naslovnog slajda).

Uvjeti za prijavu: pravo na prijavu imaju studenti 3. ciklusa studija iz STEM oblasti, koji imaju položene sve ispite i definisan program istraživanja i istraživači koji su odbranili doktorski rad u posljednjih 5 godina i nisu stariji od 35 godina (uključujući studente i istraživače koji već imaju 35 godina ili će do kraja 2023. godine navršiti 35 godina života).

Prijava: studenti 3. ciklusa i istraživači koji žele učestvovati na skupu i prezentirati svoj rad trebaju popuniti priloženi obrazac i poslati ga organizatoru skupa najkasnije **do kraja jula 2023. godine** na adresu akademija@anubih.ba.

Nagrada: naučni odbor skupa dodijelit će tri novčane nagrade za najbolju prezentaciju istraživanja. Prva nagrada će iznositi 2.000,00 KM, druga nagrada 1.500,00 KM i treća nagrada 1.000,00 KM.


Vrijeme i mjesto održavanja skupa: 3. i 4. novembar 2023. godine, Akademija nauka i umjetnosti Bosne i Hercegovine (Bistrik 7, Sarajevo). Preliminarni program skupa će biti dostavljen do kraja septembra 2023. godine.

Troškovi smještaja: učesnicima sa univerziteta u Banja Luci, Bihaću, Mostaru, Tuzli i Zenici, **čije prezentacije budu prihvaćene**, organizator će platiti troškove dva noćenja u hotelu. Obavijest o prihvatanju prijave istraživanja bit će dostavljena do kraja septembra 2023. godine.

Troškove putovanja pokrivaju učenici skupa.

Kontakt osoba za sve dodatne informacije je gospođa Tanja Bašagić, email adresa akademija@anubih.ba.

Molimo vas da poziv prosljedite kolegama i kolegicama zainteresiranim za prijavu i učešće na skupu.


Za Naučni odbor skupa,
akademik Asif Šabanović